

1. 采桑子

作者：欧阳修

轻舟短棹西湖好，
 绿水逶迤。
 芳草长堤，
 隐隐笙歌处处随。
 无风水面琉璃滑，
 不觉船移。
 微动涟漪，
 惊起沙禽掠岸飞。

2. 相见欢

作者：朱敦儒

金陵城上西楼，
 倚清秋。
 万里夕阳垂地大江流。
 中原乱，
 簪缨散，
 几时收？
 试倩悲风吹泪过扬州。

3. 如梦令

作者：李清照

常记溪亭日暮，
 沉醉不知归路。
 兴尽晚回舟，
 误入藕花深处。
 争渡，
 争渡，
 惊起一滩鸥鹭。

4. 三峡

作者：郦道元

自三峡七百里中，
 两岸连山，
 略无阙处。
 重岩叠嶂，
 隐天蔽日，
 自非亭午夜分，
 不见曦月。
 至于夏水襄陵，
 沿溯阻绝。
 或王命急宣，

有 时 朝 发 白 帝 ，
 暮 到 江 陵 ，
 其 间 千 二 百 里 ，
 虽 乘 奔 御 风 ，
 不 以 疾 也 。
 春 冬 之 时 ，
 则 素 端 绿 潭 ，
 回 清 倒 影 ，
 绝 嵁 多 生 怪 柏 ，
 悬 泉 瀑 布 ，
 飞 漱 其 间 ，
 清 荣 峻 茂 ，
 良 多 趣 味 。
 每 至 晴 初 霜 旦 ，
 林 寒 涧 肃 ，
 常 有 高 猿 长 啸 ，
 属 引 凄 异 ，
 空 谷 传 响 ，
 哀 转 久 绝 。
 故 渔 者 歌 曰：
 “巴 东 三 峡 巫 峡 长 ，
 猿 鸣 三 声 泪 沾 衣 。

”

5. 答谢中书书

作者：陶弘景

山川之美，古来共谈。高峰入云，清流见底。两岸石壁，五色交辉。青林翠竹，四时俱备。晓雾将歇，猿鸟乱鸣；夕日欲颓，沉鳞竞跃。实是欲界之仙都。自康乐以来，未复有能与其奇者。

6. 记承天寺夜游

作者：苏轼

元 丰 六 年 十 月 十 二 日 夜 ,
解 衣 欲 睡 ,
月 色 入 户 ,
欣 然 起 行 。
念 无 与 为 乐 者 ,
遂 至 承 天 寺 寻 张 怀 民 。
怀 民 亦 未 寐 ,
相 与 步 于 中 庭 。
庭 下 如 积 水 空 明 ,
水 中 藻 、
荇 交 横 ,
盖 竹 柏 影 也 。
何 夜 无 月 ?
何 处 无 竹 柏 ?
但 少 闲 人 如 吾 两 人 者 耳 。

7. 与朱元思书

作者：吴均

风 烟 俱 净 ,
天 山 共 色 。
从 流 飘 荡 ,
任 意 东 西 。

自富阳至桐庐一百许里，
奇山异水，
天下独绝。
水皆缥碧，
千丈见底。
游鱼细石，
直视无碍。
急湍甚箭，
猛浪若奔。
夹岸高山，
皆生寒树。
负势竟上，
互相轩邈。
争高直指，
千百成峰。
泉水激石，
泠泠作响；
好鸟相鸣，
嘤嘤成韵。
蝉则千转不穷，
猿则百叫无绝。
鸢飞戾天者，

望 峰 息 心 ;
 经 纶 世 务 者 ,
 窥 谷 忘 反 。
 横 柯 上 蔽 ,
 在 昼 犹 昏 ;
 疏 条 交 映 ,
 有 时 见 日 。

8. 野望

作者：王绩

东 皋 薄 暮 望 ,
 徒 倚 欲 何 依 。
 树 树 皆 秋 色 ,
 山 山 唯 落 晖 。
 牧 人 驱 犬 返 ,
 猎 马 带 禽 归 。
 相 顾 无 相 识 ,
 长 歌 怀 采 薇 。

9. 黄鹤楼

作者：崔颢

昔 人 已 乘 黄 鹤 去 ,

此地空余黄鹤楼。
 黄鹤一去不复返，
 白云千载空悠悠。
 晴川历历汉阳树，
 芳草萋萋鹦鹉洲。
 日暮乡关何处是？
 烟波江上使人愁。

10. 使至塞上

作者：王维

单车欲问边，
 属国过居延。
 征蓬出汉塞，
 归雁入胡天。
 大漠孤烟直，
 长河落日圆。
 萧关逢候骑，
 都护在燕然。

11. 渡荆门送别

作者：李白

渡远荆门外，

来 从 楚 国 游 。
 山 随 平 野 尽 ，
 江 入 大 荒 流 。
 月 下 飞 天 镜 ，
 云 生 结 海 楼 。
 仍 怜 故 乡 水 ，
 万 里 送 行 舟 。

12. 钱塘湖春行

作者：白居易

孤 山 寺 北 贾 亭 西 ，
 水 面 初 平 云 脚 低 。
 几 处 早 莺 争 暖 树 ，
 谁 家 新 燕 啄 春 泥 。
 乱 花 渐 欲 迷 人 眼 ，
 浅 草 才 能 没 马 蹄 。
 最 爱 湖 东 行 不 足 ，
 绿 杨 阴 里 白 沙 堤 。

13. 庭中有奇树

作者：佚名（《古诗十九首》）

庭 中 有 奇 树 ，

绿叶发华滋。
攀条折其荣，
将以遗所思。
馨香盈怀袖，
路远莫致之。
此物何足贵？
但感别经时。

14. 龟虽寿

作者：曹操

神龟虽寿，
犹有竟时；
腾蛇乘雾，
终为土灰。
老骥伏枥，
志在千里；
烈士暮年，
壮心不已。
盈缩之期，
不但在天；
养怡之福，
可得永年。

幸甚至哉，
歌以咏志。

15. 赠从弟（其二）

作者：刘桢

亭亭山上松，
瑟瑟谷中风。
风声一何盛，
松枝一何劲！
冰霜正惨凄，
终岁常端正。
岂不罹凝寒？
松柏有本性。

16. 梁甫行

作者：曹植

八方各异气，
千里殊风雨。
剧哉边海民，
寄身于草野。
妻子象禽兽，
行止依林阻。

柴 门 何 萧 条 ,
狐 兔 翔 我 宇 。

17. 得道多助，失道寡助

作者：孟子及弟子

天 时 不 如 地 利 ,
地 利 不 如 人 和 。

三 里 之 城 ,
七 里 之 郭 ,
环 而 攻 之 而 不 胜 。
夫 环 而 攻 之 ,
必 有 得 天 时 者 矣 ;
然 而 不 胜 者 ,
是 天 时 不 如 地 利 也 。
城 非 不 高 也 ,
池 非 不 深 也 ,
兵 革 非 不 坚 利 也 ,
米 粟 非 不 多 也 ;
委 而 去 之 ,
是 地 利 不 如 人 和 也 。
故 曰 :
域 民 不 以 封 疆 之 界 ,

固国不以山溪之险，
威天下不以兵革之利。
得道者多助，
失道者寡助。
寡助之至，
亲戚畔之；
多助之至，
天下顺之。
以天下之所顺，
攻亲戚之所畔，
故君子有不战，
战必胜矣。

18. 富贵不能淫

作者：孟子及弟子

景春曰：
“公孙衍、
张仪岂不诚大丈夫哉？
一怒而诸侯惧，
安居而天下熄。”

孟子曰：

“是焉得为大丈夫乎？”

子未学礼乎？

丈夫之冠也，

父命之；

女子之嫁也，

母命之，

往送之门，

戒之曰：

‘往之女家，’

必敬必戒，

无违夫子！

，以顺为正者，

妾妇之道也。

居天下之广居，

立天下之正位，

行天下之大道。

得志，

与民由之；

不得志，

独行其道。

富贵不能淫，

贫贱不能移，

威武不能屈，
此之谓大丈夫。

”

19. 生于忧患，死于安乐

作者：孟子及弟子

舜发于畎亩之中，
傅说举于版筑之间，
胶鬲举于鱼盐之中，
管夷吾举于士，
孙叔敖举于海，
百里奚举于市。
故天将降大任于是人也，
必先苦其心志，
劳其筋骨，
饿其体肤，
空乏其身，
行拂乱其所为，
所以动心忍性，
曾益其所不能。
人恒过，
然后能改；

困于心，
衡于虑，
而后作；
征于色，
发于声，
而后喻。
入则无法家拂士，
出则无敌国外患者，
国恒亡。
然后知生于忧患而死于安乐也。

20. 春望

作者：杜甫

国破山河在，
城春草木深。
感时花溅泪，
恨别鸟惊心。
烽火连三月，
家书抵万金。
白头搔更短，
浑欲不胜簪。

21. 雁门太守行

作者：李贺

黑	云	压	城	城	欲	摧	,
甲	光	向	日	金	鳞	开	。
角	声	满	天	秋	色	里	,
塞	上	燕	脂	凝	夜	紫	。
半	卷	红	旗	临	易	水	,
霜	重	鼓	寒	声	不	起	。
报	君	黄	金	台	上	意	,
提	携	玉	龙	为	君	死	。

22. 赤壁

作者：杜牧

折	戟	沉	沙	铁	末	销	,
自	将	磨	洗	认	前	朝	。
东	风	不	与	周	郎	便	,
铜	雀	春	深	锁	二	乔	。

23. 渔家傲

作者：李清照

天	接	云	涛	连	晓	雾	,
星	河	欲	转	千	帆	舞	。

仿 佛 梦 魂 归 帝 所 。

闻 天 语 ，

殷 勤 问 我 归 何 处 。

我 报 路 长 噫 日 暮 ，

学 诗 漫 有 惊 人 句 。

九 万 里 风 鹏 正 举 。

风 休 住 ，

蓬 舟 吹 取 三 山 去 ！

24. 月夜

作者：杜甫

今 夜 郊 州 月 ，

闺 中 只 独 看 。

遥 怜 小 儿 女 ，

未 解 忆 长 安 。

香 雾 云 鬢 湿 ，

清 辉 玉 臂 寒 。

何 时 倚 虚 幌 ，

双 照 泪 痘 干 。

25. 浣溪沙

作者：晏殊

一曲新词酒一杯，
去年天气旧亭台。
夕阳西下几时回？
无可奈何花落去，
似曾相识燕归来。
小园香径独徘徊。

26. 愚公移山

作者：列子

太行、
王屋二山，
方七百里，
高万仞。
本在冀州之南，
河阳之北。
北山愚公者，
年且九十，
面山而居。
惩山北之塞，
出入之迂也。
聚室而谋曰：
“吾与汝毕力平险，

指通豫南，
达于汉阴，
可乎？

“杂然相许。”

其妻献疑曰：
“以君之力，

曾不能损魁父之丘，

如太行、

王屋何？

且焉置土石？

“杂曰：

“投诸渤海之尾，

隐土之北。”

”

遂率子孙荷担者三夫，
叩石垦壤，
箕畚运于渤海之尾。
邻人京城氏之孀妻有遗男，
始龀，
跳往助之。
寒暑易节，
始一反焉。

河 曲 智 叢 笑 而 止 之 曰 :

“ 甚 矣 ,

汝 之 不 惠 !

以 残 年 余 力 ,

曾 不 能 毁 山 之 一 毛 ,

其 如 土 石 何 ?

”

北 山 愚 公 长 息 曰 :

“ 汝 心 之 固 ,

固 不 可 彻 ,

曾 不 若 嫪 妻 弱 子 。

虽 我 之 死 ,

有 子 存 焉 。

子 又 生 孙 ,

孙 又 生 子 ;

子 又 有 子 ,

子 又 有 孙 ;

子 子 孙 孙 无 穷 壽 也 ,

而 山 不 加 增 ,

何 苦 而 不 平 ?

”

河 曲 智 叢 亡 以 应 。

操蛇之神闻之，
 惧其不已也，
 告之于帝。
 帝感其诚，
 命夸娥氏二子负二山，
 一厝朔东，
 一厝雍南。
 自此，
 巍之南，
 汉之阴，
 无陇断焉。

27. 饮酒（其五）

作者：陶渊明

结庐在人境，
 而无车马喧。
 问君何能尔？
 心远地自偏。
 采菊东篱下，
 悠然见南山。
 山气日夕佳，
 飞鸟相与还。

此中真有意，
欲辨已忘言。